

MISSALETTE



26 Abril 2026 • IKA-4 NA LINGGO NG PASKO NG MULING PAGKABUHAY • Taon A
Linggo ng Mabuting Pastol • Ika-63 ng Pandaigdigang Araw ng Panalangin para sa mga Bokasyon



PAG-IBIG NA BUHAY: NAGLILINGKOD NANG MAY PUSONG TULAD NI KRISTO

Ngayon ay ipinagdiriwang natin ang Linggo ng Mabuting Pastol at ang ika-63 Pandaigdigang Araw ng Panalangin para sa mga Bokasyon. Inaalala natin ang tawag ng Diyos sa ating sumunod kay Kristo at ang kagandahan ng mga bokasyon sa pagpapari at buhay ng mga nakatalaga sa Diyos (*consecrated life*). Bilang mga kasapi ng Kanyang kawan, pinagkatiwala sa ating palaguin at suportahan ang mga bagong bokasyon.

Sa Banal na Misa na ito, manalangin tayo sa Panginoon ng aning magpadala ng mga banal at bukas-palad na manggagawa sa Kanyang ubasan—mga pastol na may pusong gaya ng kay Kristong Muling Nabuhay, na inialay ang Kanyang buhay para sa mga tupa. Nawa’y tumugon araw-araw ng matapat at bukas-palad na “Oo” ang mga tinatawag Niya.

PASIMULA

PAMBUNGAD

(Ipahahayag lamang kung walang awiting nakahanda.)

Pag-ibig ng D’yos na tapat sa daigdig ay laganap.

Sa salita n’ya’y natatag kalangitan sa itaas.

Aleluya ay ihayang. *(Sal 33, 5-6)*

PAGBATI

P—Ang pagpapala at kapayapaan ni Hesus, ang Mabuting Pastol, ay sumainyong lahat.

B—At sumaiyo rin.

PAGSISISI

P—Natitipon dito sa harap ng Mabuting Pastol, alalahanin natin ang ating mga kasalanan at hilingin ang kanyang pagpapatawad at lakas. *(Manahimik sandali.)*

P— Panginoong Hesus, ikaw ang Mabuting Pastol na naghain ng kanyang buhay para sa amin. Panginoon, kaawaan mo kami.

B— Panginoon, kaawaan mo kami.

P— Panginoong Hesus, kami ang mga tupang madalas maligaw ng landas. Kristo, kaawaan mo kami.

B— Kristo, kaawaan mo kami.

P— Panginoong Hesus, nagpabaya kaming magpahalaga at makiisa sa mga katulong mong pastol para mamatnubay sa amin. Panginoon, kaawaan mo kami.

B— Panginoon, kaawaan mo kami.

P— Kaawaan tayo ng makapangyarihang Diyos, patawarin tayo sa ating mga kasalanan, at patnubayan tayo sa buhay na walang hanggan.

B— Amen.

PAPURI

B— Papuri sa Diyos sa kaitaasan at sa lupa’y kapayapaan sa mga taong kinalulugdan niya.

Pinupuri ka namin,
dinarangal ka namin,

This issue of Misalette may be downloaded for free anywhere in the world. A “love offering” for the continuation of our apostolate will be appreciated. Please, send your donation to “Word And Life Publications.” Our Savings Account is BPI – # 3711-0028-46. Send us an email of a copy of the deposit slip with your name for proper acknowledgment. See contact details on the last page. Thank You!

sinasamba ka namin,
 ipinagbubunyi ka namin,
 pinasasalamat ka namin
 dahil sa dakila mong angking kapurihan.
 Panginoong Diyos, Hari ng langit,
 Diyos Amang makapangyarihan sa lahat.
 Panginoong Hesukristo, Bugtong na Anak,
 Panginoong Diyos, Kordero ng Diyos, Anak ng
 Ama.

Ikaw na nag-aalis ng mga kasalanan ng sanlibutan,
 maawa ka sa amin.

Ikaw na nag-aalis ng mga kasalanan ng sanlibutan,
 tanggapin mo ang aming kahilingan.

Ikaw na naluluklok sa kanan ng Ama,
 maawa ka sa amin.

Sapagkat ikaw lamang ang banal,
 ikaw lamang ang Panginoon,
 ikaw lamang, O Hesukristo, ang Kataas-taasan,
 kasama ng Espiritu Santo
 sa kadakilaan ng Diyos Ama. Amen.

PANALANGING PAMBUNGAD

P – Ama naming makapangyarihan,
 sa pagdiriwang naming ito ng Pasko ng
 Pagkabuhay ng Anak mo
 pinag-alab mo ang pananalig namin sa iyo. Ang
 kagandahang-loob mo sa amin ay lalo mo pang
 pag-ibayuhin

upang maisaloob na mabuti ng lahat
 ang kadalisyang dulot ng binyag,
 ang Espiritung bigay mo sa inyong mga anak,
 ang Dugong dumanak upang kami’y maligtas
 sa pamamagitan ni Hesukristo kasama ng
 Espiritu Santo magpasawalang hanggan.

B – Amen.

PAGPAPAHAYAG NG SALITA NG DIYOS

UNANG PAGBASA Gawa 2, 14a-36-41
 Pagbasa mula sa mga Gawa ng mga Apostol

Noong araw ng Pentekostes, tumayo
 si Pedro at ang labing-isang apostol, at
 nagsasalita siya nang malakas, “Dapat
 malaman ng buong Israel na itong si Hesus
 na ipinako ninyo sa krus—siya ang ginawa ng
 Diyos na Panginoon at Kristo!”

Nabagabag ang kanilang kalooban nang
 marinig ito, at tinanong nila si Pedro at ang
 mga apostol, “Mga kapatid, ano ang gagawin
 namin?” Sumagot si Pedro, “Pagsisihan
 ninyo’t talikdan ang inyong mga kasalanan at
 magpabinyag kayo sa pangalan ni Hesukristo
 upang kayo’y patawarin; at ipagkakaloob
 sa inyo ang Espiritu Santo. Sapagkat ang

pangako’y para sa inyo at sa inyong mga
 anak, at sa lahat ng nasa malayo—sa bawat
 tatawagin ng Panginoong Diyos.”

Marami pa siyang inilahad upang
 patunayan ang kanyang sinabi, at nanawagan
 siya sa kanila, “Lumayo kayo sa masamang
 lahing ito upang kayo’y maligtas.” Kaya’t
 ang mga naniwala sa kanyang sinabi ay
 nagpabinyag; at nadagdag sa kanila ang may
 tatlong libong tao nang araw na iyon.

Ito ang Salita ng Diyos.

B – Salamat sa Diyos.

SALMONG TUGUNAN Sal 117, 2-4, 13-15. 22-24

B – Pastol ko’y Panginoong D’yos,
 hindi ako magdarahop.

R. M. Velez



* Panginoon’y aking Pastol, hindi ako
 magkukulang.
 Ako’y pinahihimlay sa mainam na pastulan,
 at inakay niya ako sa tahimik na batisan.
 Binibigyan niya ako niyong bagong
 kalakasan. **B.**

* At sang-ayon sa pangako na kanyang
 binitiwang,
 sa matuwid na landasi’y doon ako inakay.
 Kahit na ang daang iyo’y tumatahak sa
 karimlan,
 hindi ako matatakot pagkat ika’y kaagapay;
 ang tungkod mo at pamalo ang gabay ko at
 sangalang. **B.**

* Sa harapan ng lingkod mo, ikaw ay may
 handang dulang;
 ito’y iyang ginagawang nakikita ng kaaway.
 Nalulugod ka sa akin na ulo ko ay langisan
 at pati na ang kalis ko ay iyang
 pinaapaw. **B.**

* Tunay na ang pag-ibig mo at ang iyong
 kabutihan,
 sasaaki’t tataglayin habang ako’y
 nabubuhay;
 doon ako sa templo mo lalagi at
 mananahan. **B.**

IKALAWANG PAGBASA

1 Ped 2, 20b-25

Pagbasa mula sa Unang Sulat ni Apostol San Pedro

Mga pinakamamahal ko:

Pagpapalain kayo ng Diyos kung kayo'y maparusahan sa paggawa ng mabuti. Ang pagtitiis ng hirap ay bahagi ng pagkahirang sa inyo ng Diyos; sapagkat nang si Kristo ay magtiis para sa inyo, binigyan niya kayo ng halimbawang dapat tularan. Hindi siya gumawa ng anumang kasalanan, o nagsinungaling kailanman. Nang siya'y pahirapan, hindi siya nagbanta. Nanalig siya sa Diyos na makatarungan. Sa kanyang pagkamatay sa Krus, dinala niya ang bigat ng ating mga kasalanan upang tuluyan na nating iwan ang pagkakasala at mamuhay ayon sa kalooban ng Diyos. Kayo'y gumaling sa pamamagitan ng kanyang mga sugat. Sapagkat nagkawatak-watak kayo gaya ng mga tupang naligaw, ngunit tinipon kayong muli ng Pastol at Tagapangalaga ng inyong mga kaluluwa.

Ito ang Salita ng Diyos.

B – Salamat sa Diyos.

ALELUYA

Jn 10, 14

B – Aleluya! Aleluya!
Ako'y pastol na butihin
kilala ko'ng tupang akin;
ako'y kilala nila rin
Aleluya! Aleluya!

MABUTING BALITA

Jn 10, 1-10

P– Sumainyo ang Panginoon.

B– At sumaiyo rin.

P – Ang Mabuting Balita ng Panginoon ayon kay San Juan

B– Papuri sa iyo, Panginoon.

Noong panahong iyon sinabi ni Hesus: “Tandaan ninyo ito: ang pumapasok sa kulungan ng mga tupa nang hindi sa pinto nagdaraan, kundi umaakyat sa di dapat pagdaanan, ay magnanakaw at tulisan. Ngunit ang nagdaraan sa pintuan ay siyang pastol ng mga tupa. Pinapapasok siya ng bantay-pinto, at pinakikinggan ng mga tupa ang kanyang tinig. Tinatawag niya ang kanyang mga tupa sa kani-kanilang pangalan, at inilalabas sa kulungan. Kapag nailabas na, siya'y nangunguna sa kanila at sumusunod naman ang mga tupa sapagkat nakikilala nila ang kanyang tinig. Hindi sila sumusunod sa iba, bagkus pa nga'y patakpong lumalayo, sapagkat hindi nila nakikilala ang kanyang tinig.”

Sinabi ni Hesus ang talinghagang ito, ngunit hindi nila naunawaan ang ibig niyang sabihin.

Kaya't muling sinabi ni Hesus, “Tandaan ninyo: ako ang pintuang dinaraan ng mga tupa. Ang mga nauna sa akin ay mga magnanakaw at mga tulisan, ngunit hindi sila pinakinggan ng mga tupa. Ako ang pintuan. Ang sinumang pumapasok sa pamamagitan ko'y maliligtas. Papasok siya't lalabas, at makatatagpo ng pastulan. Kaya lamang pupunta rito ang magnanakaw ay upang magnakaw, pumatay, at magwasak. Naparito ako upang ang mga tupa'y magkaroon ng buhay—isang buhay na ganap at kasiya-siya.”

Ito ang Mabuting Balita ng Panginoon.

B – Pinupuri ka namin, Panginoong Hesuskristo.

HOMILIYA

SUMASAMPALATAYA

B – Sumasampalataya ako sa Diyos Amang makapangyarihan sa lahat, na may gawa ng langit at lupa. Sumasampalataya ako kay Hesuskristo, iisang Anak ng Diyos, Panginoon nating lahat. Nagkatawag-taw siya lalang ng Espiritu Santo, ipinanganak ni Santa Mariang Birhen. Pinagpakasakit ni Poncio Pilato, ipinako sa krus, namatay, inilibing. Nanaog sa kinaroroonan ng mga yumao. Nang may ikatlong araw nabuhay na mag-uli. Umakyat sa langit. Naluluklok sa kanan ng Diyos Amang makapangyarihan sa lahat. Doon magmumulang paririto at huhukom sa nangabubuhay at nangamatay na tao.

Sumasampalataya naman ako sa Diyos Espiritu Santo, sa banal na Simbahang Katolika, sa kasamahan ng mga banal, sa kapatawaran ng mga kasalanan, sa pagkabuhay na muli ng nangamatay na tao at sa buhay na walang hanggan. Amen.

PANALANGIN NG BAYAN

P– Hindi kailanman pinababayaan ni Hesus, ang Mabuting Pastol, ang Kanyang kawan. Tinatawag Niya ang mga bukas-palad upang maging tanda at tagapagpahayag ng Kanyang pagmamahal. Ngayon, manalangin tayo para sa lahat ng kumakatawan sa Kanya at naglilingkod sa Kanyang pangalan. Manalangin tayo:

B– Hesus na Mabuting Pastol, dinggin Mo kami.

- * Para sa buong Simbahan: nawa’y pagpalain Siya ng maraming banal at bukas-palad na mga pari at relihiyoso, at ng mga lalaki at babaeng nakatalaga sa Panginoong magbibigay-inspirasyon sa mga tao na lumapit sa Diyos sa pamamagitan ng kanilang halimbawa. Manalangin tayo. **B.**
- * Para sa Santo Papa, sa ating mga obispo, at mga pari: nawa’y maging buhay na tanda sila ng pagtitiis, mahinahong pag-aaruga, at tapat na pagmamahal ng Diyos para sa lahat ng Kanyang bayan. Manalangin tayo. **B.**
- * Para sa lahat ng magulang, guro, at mga pinuno ng pamahalaan: nawa’y manatili silang tapat sa kanilang misyon na gabayan at itaguyod ang kabutihan ng mga taong ipinagkatiwala sa kanilang pangangalaga. Manalangin tayo. **B.**
- * Para sa ating kabataang tinatawag ng Diyos para sumunod sa ating Mabuting Pastol at maglingkod sa Simbahan: nawa masaya silang tumugon at magsikap na maging tapat sa kanilang bokasyon. Manalangin tayo. **B.**
- * Para sa mga *vocation promoters* at lahat ng nasa seminario at *formation houses*: nawa’y ang kanilang mga panalangin at pagsisikap ay magdala sa Simbahan ng mga tapat at batang pastol na kailangan Niya. Manalangin tayo. **B.**

P– Panginoong Hesus magsugo ka ng mga banal na pari, relihiyoso, at mga lalaki at babaeng nakatalaga sa Iyo upang maging mga pastol ng Iyong Simbahan. Tulad Mo, ang Mabuting Pastol, nawa’y ipagpatuloy nila ang Iyong gawain ng pagmamahal at habag, at magabayan kami tungo sa kabanalan. Ikaw na nabubuhay at naghahari magpakailanman.
B – Amen.

PAGDIRIWANG NG HULING HAPUNAN

P – Manalangin kayo . . .

B– Tanggapin nawa ng Panginoon itong paghahain sa iyong mga kamay sa kapurihan niya at karangalan, sa ating kapakinabangan at sa buong Sambayanan niyang banal.

PANALANGIN UKOL SA MGA ALAY

P– Ama naming Lumikha, ipagkaloob mong kami ay magalak sa pagdiriwang ng Pasko ng Pagkabuhay ng iyong Anak upang ang ginagawang patuloy na pagsagip sa amin ay maging sanhi ng aming ligayang walang maliw sa pamamagitan ni Hesukristo kasama ng Espiritu Santo magpasawalang hanggan.

B – Amen.

PREPASYO III

P – Sumainyo ang Panginoon.

B– At sumaiyo rin.

P – Itaas sa Diyos ang inyong puso at diwa.

B– Itinaas na namin sa Panginoon.

P – Pasalamat natin ang Panginoong ating Diyos.

B – Marapat na siya ay pasalamat.

P– Ama naming makapangyarihan, tunay ngang marapat na ikaw ay aming pasalamat ngayong ipinagdiriwang ang paghahain ng Mesiyas, ang maamong tupa na tumubos sa aming lahat. Naghahaing walang humpay ang Anak mong minamahal upang magkasalu-salo ang tanan sa piging ng iyong buhay. Hindi na mamamatay ang inihain sa krus. Ang sa krus ipinako’y buhay lagi bilang handog. Kaya kaisa ng mga anghel na nagsisiawit ng papuri sa iyo nang walang humpay sa kalangitan, kami’y nagbubunyi sa iyong kadakilaan:

B – Santo, santo, santo . . .

PAGBUBUNYI

B – Aming ipinahahayag na namatay ang ‘yong Anak, nabuhay bilang Mesiyas at magbabalik sa wakas para mahayag sa lahat.

PAKIKINABANG

B – Ama namin . . .

P – Hinihiling namin . . .

B– Sapagkat iyo ang kaharian at ang kapangyarihan at ang kapurihan magpakailanman. Amen.

PAANYAYA SA KAPAYAPAAAN

PAGHAHATI-HATI SA TINAPAY

B – Kordero ng Diyos . . .

PAANYAYA SA PAKIKINABANG

P – Ito ang Kordero ng Diyos na nag-aalis ng mga kasalanan ng sanlibutan. Mapalad ang mga inaanyayahan sa kanyang piging.

B – Panginoon, hindi ako karapat-dapat na magpatuloy sa Iyo ngunit sa isang salita Mo lamang ay gagaling na ako.

Antipona ng Pakikinaabang

(Ipahahayag lamang kung walang awiting nakahanda.)

Aleluya, Nabuhay din ang Pastol nating butihing namatay para sa atin, sarili n'ya'y inihain upang tayo ay buhayin.

PANALANGIN PAGKAPAKINABANG

P – Ama naming mapagmahal, ikaw ang butihing Pastol na nagtataguyod sa amin

kaya't kaming kawan mo ay iyong tangkilikin. Pakundangan sa dugo ng Anak mong dumanak upang kaming lahat ay iyong mailigtas, marapatin mong kami'y makarating sa pastulan na inilalaan mo sa amin ngayon at kailanman sa pamamagitan ni Hesukristo kasama ng Espiritu Santo magpasawalang hanggan.

B – Amen.

PAGWAWAKAS

P – Sumainyo ang Panginoon.

B – At sumaiyo rin.


P – Pagpalain kayo ng makapangyarihang Diyos: Ama at Anak at Espiritu Santo.

B – Amen.

P – Humayo kayo sa kapayapaan upang mahalín at paglingkuran ang Panginoon.

B – Salamat sa Diyos.

Panahon ng Pasko ng Muling Pagkabuhay!



KRISTOKids
Cahay sa Pakikipagkambal ng mga bata kay Kristo

KRISTOKids

P150.00/kopya


• P100.00/kopya kapag nag-subscribe sa 6 isyu sa: www.wordandlife.org

Kumpletong gabay ng katekista para tulungan ang mga bata na maintindihan at maisabuhay ang Mabuting Balita at ang kuwento ni Kuya Hesus. Maaaring gamitin din ito ng mga pamilya sa kanilang pag-aaral, pagninilay, at pagdarasal ng Bibliya.

Katolizee Foundation, Inc.
The Annex
145 Dangay St. Project 7, Veteran's Village,
Quezon City, Phils. 1105 • Cal. No. +63 947 999 2 999
E-mail: katolago@gmail.com • www.katolago.com
www.facebook.com/katolago

WORD AND LIFE PUBLICATIONS
Don Bosco Compound, A. Arnaiz Ave. cor. Chino Roces Ave., Makati, Philippines
Tel. Nos. (632) 8894-5401 • 8245-1792 • 819-8636 • Call# (63)917-629-5485
E-mail: wordandlifepublications@gmail.com
Website: www.wordandlife.org
f Word And Life Publications / Word And Life Religious Store

Scan our QR CODES for our online shops at Shopee and Lazada.



WORD AND LIFE PUBLICATIONS

Don Bosco Compound, A. Arnaiz Ave. cor. Chino Roces Ave., Makati, Metro Manila

Postal Address: P.O. Box 1820, MCPO, 1258 Makati, Metro Manila, Philippines

Tel. Nos. 8894-5401; 8475-8945 • Website: www.wordandlife.org

• E-mail: wordandlifepublications@gmail.com • FB: Word And Life Publications

• Editorial Team: Fr. R. De Guzman, J. Lacandazo, V. David, R. Molomog, D. Daguin

• Illustrations: A. Sarmiento, B. Cleofe • Circulation: R. Saldua